

# Castro das Travesas Colección Visitable

## Casa da Cultura Carral

A sala da Colección Visitable do Castro das Travesas está na Casa da Cultura de Carral, cun amplo horario e posibilidade de visitas guiadas. Na exposición móstranse case trescentas das mellores pezas recuperadas, xunto a unha explicación da configuración do castro.

Hai materiais, algúns únicos, de gran valor pola súa cualidade e a boa conservación que evidencian o carácter principal do asentamento, e amosan fortes relacións directas con Europa ao longo do tempo.

A sala expositiva está configurada por 8 unidades temáticas que ordenan os materiais e temas. Ten un carácter lineal, aportando información gradualmente, xa que a comprensión do castro e dos contextos arqueolóxicos nos que aparecen as pezas son indispensables para comprender os elementos expostos.

As instalacións públicas da Colección Visitable son de visita gratuíta (sala expositiva e espazos arqueolóxicos), mais tamén existe a visita guiada que é de pago.

A Colección Visitable ofrece visitas guiadas á Sala Expositiva (cos materiais da escavación do castro das Travesas) e aos castros das Travesas e Tabeaio (espazos arqueolóxicos visitables). É posible visitar tanto todos os lugares como calquera deles por separado.



As visitas guiadas están deseñadas para o público xeral e para a comunidade escolar, e serán complementadas con contidos inéditos nos que está a traballar o equipo científico.

O desenvolvemento das visitas escolares están pensadas segundo os distintos currículos, desde primaria ata bacharelato. Preténdese unha ligazón entre os contidos escolares e o museo.

Durante a visita están deseñadas actividades que reforzan os contidos do museo, adaptadas aos distintos niveis escolares.

As visitas guiadas deberanse solicitar no teléfono 981 672 580. A visita libre é sen guía e de balde a calquera das instalacións.

**Colección Visitable do Castro das Travesas**  
Casa da Cultura  
Rúa de Paleo, 17  
Carral - A Coruña  
Tel. 981 672 580  
cultura@carral.es



